



لبنانین حزب الله-ی خبر وئردی: آمریکا و اسرائیلیں مدیریتی اینن عراقدا شیعه قیرغینی گنڈیر.

عراقدا شیعه لریں علیہینہ اولان سلسله پاتلامالار مختلف اؤلکه لریں عکس العملی و محکومیتی اینن اوزلشدی. حزب الله-ین وئردیغی خبره گۆره عراقداکی قیرغینلار آمریکا و اسرائیلیں مدیریتی اینن باش وئیر.

خبر آژانس لاری نین خبرلرینه گۆره دوشنبه سحر عراقدا 17 پاتلاما اوز وئردی و 67 نفر شهید اولوب و 230 نفرجن یارالاندى. بو پاتلايشلار بغداد، بصره، کوت، و کاظمین شهیرلری نین شیعه منطقه لرینده باش وئریب و آخر خبرلره گۆره تروریستلر 300 نفر دن آرتیغی قانا بلشدیریلر. ملل سازمانی نین دبیرکلی «بانکی مون» بو پاتلايشلاری محکوم ائله ییب، عراقین پرتگاهدا اولدوغونو بیلدیریب. او، هابئله عراقین سیاسی گروهلارینی عراق بحرانی نین تکجه حل یولو اولان سیاسی مذاکره لره چاغیریب.

ملل سازمانیندان علاوه، دولتلرین بیر سیراسی دا عراقین قانلی حمله لرین محکوم ائله دیلر. بو اؤلکه لرین ایچینده آمریکا و فرانسه ده گۆزه دَیر.

لبنانین حزب الله-ی بیر بیانیّه یایماغینان آمریکا و اسرائیلیں گیزلی اللری نین عراق شیعه لرینی اۆلدورماقدا اولدوغونو بیلدیردی.

بو بیانیه ده بئله گلیب: دنیا مسلمانلاری خصوصاً عراق مسلمانلاری اؤز چالیشمالارینی تکفیری تروریزم و آمریکایی و صهیونیستی توطئه لرین قاباغیندا بیرلشدیرسینلر چونکی آمریکا و اسرائیل اسلام دن یاسینا سلطه تاپاق قصدینده دیلر.

حزب الله، مبارک اوروجلوق آیی نین حرمتی نین سینماسینا اشاره ائدیپ آرتیردی: بو حمله لرده تروریستلر مسکونی منطقه لری نشانلامیشدی لار و آرواد اوشاغی قانا بلشدیریلر.